

Rješenje –Fondacija za muzičke, scenske i likovne umjetnosti

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE

JEDINICA ZA BUDŽETSKU INSPEKCIJU

Broj: 12-11-9-1-1013/24
Sarajevo, 24.10.2024. godine

Na osnovu člana 130., a u vezi sa članom 117. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i člana 4. stav 1. tačka 3) Uredbe o budžetskom nadzoru u Federaciji Bosne i Hercegovine („Službene novine Federacije BiH“, broj 34/14), federalni budžetski inspektor donosi

RJEŠENJE

- 1. Naređuje se** Fondaciji za muzičke, scenske i likovne umjetnosti, sa sjedištem u Sarajevu, ulica Obala Maka Dizdara broj 2, da **ODMAH** po prijemu ovog rješenja **obustavi** sve aktivnosti vezane za realizaciju Konkursa/Najtečaja za izbor korisnika sredstava Fondacije za muzičke, scenske i likovne umjetnosti za 2024. godinu broj: 04-3-101/24 od 28.8.2024. godine do okončanja inspeksijskog nadzora koji se provodi u Fondaciji za muzičke, scenske i likovne umjetnosti u pogledu korištenja budžetskih sredstava za 2023. godinu.
- 2. O prestanku** važenja ovog rješenja, Fondacija za muzičke, scenske i likovne umjetnosti će biti pismeno obaviještena.
- 3. Žalba** ne odlaže izvršenje ovog rješenja.

Obrazloženje

Postupajući federalni budžetski inspektor provodi inspeksijski nadzor u Fondaciji za muzičke, scenske i likovne umjetnosti.

Predmet i obim budžetskog nadzora je: utvrđivanje zakonitosti i namjenskog korištenja budžetskih sredstava u vezi donošenja i realizacije

- Odluke o izboru korisnika sredstava Fondacije za muzičke, scenske i likovne umjetnosti za 2023. godinu za manifestacije, programe i projekte muzičke kulture, scenske umjetnosti i likovne umjetnosti od značaja za Bosnu i Hercegovinu i Federaciju Bosne i Hercegovine, broj: 04-3-84/23 od 25.7.2023. godine,
- Odluke o izboru korisnika sredstava Fondacije za muzičke, scenske i likovne umjetnosti za 2023. godinu za manifestacije, programe i projekte muzičke kulture, scenske umjetnosti i likovne umjetnosti od značaja za Bosnu i Hercegovinu i Federaciju Bosne i Hercegovine, za poziciju Sufinansiranje iz oblasti muzičkih, scenskih i likovnih umjetnosti- Za fizičke osobe, broj: 04-3-130-1/23 od 26.10.2023.godine i

Rješenje –Fondacija za muzičke, scenske i likovne umjetnosti

- Odluke o izboru korisnika sredstava Fondacije za muzičke, scenske i likovne umjetnosti za 2023. godinu za manifestacije, programe i projekte muzičke kulture, scenske umjetnosti i likovne umjetnosti od značaja za Bosnu i Hercegovinu i Federaciju Bosne i Hercegovine, za poziciju Drugi oblici sufinansiranja, broj: 04-3-130/23 od 26.10.2023. godine.

Članom 130. Zakona o organizaciji organa uprave u Federaciji BiH propisano je da je Inspektor dužan preduzimati i odgovarajuće preventivne aktivnosti u cilju sprečavanja nastupanja štetnih posljedica zbog nedostataka i nepravilnosti u provedbi zakona i drugih propisa čije izvršenje nadzire i u tom cilju ima pravo upozoriti fizička i pravna lica na obaveze iz propisa, ukazati na štetne posljedice koje mogu nastati i predložiti mjere za otklanjanje njihovih uzroka i druge mjere za koje cijeni da su potrebne, a fizička i pravna lica su dužna postupiti po datim preventivnim mjerama inspektora, te da se preventivne mjere iz stava 1. ovog člana naređuju rješenjem, a članom 4. stav 1. tačka 3) Uredbe o budžetskom nadzoru u Federaciji Bosne i Hercegovine propisano je da je jedan od ciljeva provođenja postupka budžetskog nadzora poduzimanje mjera za sprečavanje nastanka štetnih posljedica u budžetu, kao i mjera za otklanjanje štete nanesene budžetu.

Prilikom provođenja predmetnog inspekcijskog nadzora, postupajući budžetski inspektor je došao do informacija i saznanja da se u Fondaciji za muzičke, scenske i likovne umjetnosti provodi postupak raspodjele sredstava Fondacije za muzičke, scenske i likovne umjetnosti za 2024. godinu.

Shodno tome, a uvažavajući činjenicu da predmetni inspekcijski nadzor u Fondaciji za muzičke, scenske i likovne umjetnosti nije okončan, a da utvrđivanje zakonitosti postupka raspodjele budžetskih sredstava po predmetnom inspekcijskom nadzoru za 2023. godinu koji je u toku ima direktne implikacije i na postupak raspodjele u 2024. godini u pogledu postojanja zakonitih osnova i procedura za raspolaganje budžetskim sredstvima po Konkursu za 2024. godinu, te se predmetnim Rješenjem sprečava eventualna šteta u budžetu Federacije BiH.

U cilju sprečavanja eventualnog nastupanja štetnih posljedica po budžet Federacije BiH, budžetski inspektor na osnovu člana 130. Zakona o organizaciji organa uprave u Federaciji BiH i člana 4. stav 1. tačka 3) Uredbe o budžetskom nadzoru u Federaciji Bosne i Hercegovine, donosi predmetno rješenje.

Pouka o pravnom lijeku: Protiv ovog rješenja može se izjaviti žalba Federalnom ministarstvu finansija-financija, u roku od 8 dana od dana prijema ovog rješenja.

Žalba se izjavljuje u pisanoj formi i neposredno predaje ili šalje poštom Jedinici za budžetsku inspekciju Federalnog ministarstva finansija-financija, na adresu: Federalno ministarstvo finansija-financija, Jedinica za budžetsku inspekciju, Mehmeda Spahe broj 5, 71000 Sarajevo.

Rješenje –Fondacija za muzičke, scenske i likovne umjetnosti

Fondacija za muzičke, scenske i likovne umjetnosti je u smislu člana 7. stav 1. tačka 3. Zakona o federalnim upravnim taksama i Tarifi federalnih upravnih taksi („Službene novine Federacije BiH“, br. 06/98, 8/00, 45/10, 43/13 i 98/17) oslobođena plaćanja federalne upravne takse.



Dostavljeno:

1x Fondacija za muzičke, scenske i likovne umjetnosti
2x Spis